

Ընդունված է՝

ԵՊՀ ԳԻՏԱԿԱՆ ԽՈՐՅՈՒՀԻ ԿՈՂՄԻՑ

«21» հունիսի, 2001 թ.

ԵՊՀ ռեկտոր, ակադեմիկոս՝ Ռ. Մարտիրոսյան

Գիտ. քարտուղար՝ Յ. Ավետիսյան

ԵՐԵՎԱՆԻ ՊԵՏԱԿԱՆ ՀԱՍՏԱՏԱՐԱՆԻ ՈՒՍԱՆՈՂԱԿԱՆ ԳԻՏԱԿԱՆ ԸՆԿԵՐՈՒԹՅԱՆ ԿԱՆՈՆԱԴՐՈՒԹՅՈՒՆ

1. Ընդհանուր դրույթներ

1.1. ԵՊՀ ուսանողական գիտական ընկերությունը (այսուհետ՝ Ընկերություն) ԵՊՀ ուսանողներին և ասպիրանտներին միավորող համալսարանական ստորաբաժանում է, որի նպատակն է՝ նպաստել ուսանողության գիտական, ստեղծագործական և հոգևոր զարգացմանը:

1.2. Ընկերությունը գործում է ԵՊՀ կանոնադրության և սույն կանոնադրության հիման վրա:

1.3. Ընկերության կանոնադրությունը և նրա մեջ կատարվող փոփոխությունները հաստատվում են ԵՊՀ գիտական խորհրդի կողմից՝ ուսանողական բաժնի ներկայացմանք:

1.4. Ընկերությունը, սահմանված կարգով, կարող է ուժենալ կլոր կմիջք, անկյունային դրոշմ, պաշտոնաթուղթ:

1.5. Ընկերությունն իր հարաբերությունները ԵՊՀ ղեկավար մարմինների հետ կարգավորում է ԵՊՀ կանոնադրությամբ, սույն կանոնադրությամբ և ԵՊՀ գիտական խորհրդի համապատասխան որոշումներով:

1.6. Ընկերությունն իր նպատակների և խնդիրների լուծման, երկարաժամկետ ծրագրերի իրականացման համար համագործակցում է Ուսումնական վարչության, Ուսանողների հետ տարվող աշխատանքների բաժնի, Միացյալ արհմիության, Ուսումնական խորհրդի և այլ կազմակերպությունների հետ՝ ելնելով փոխօգնության, փոխշահավետության սկզբունքներից և համապատասխան պայմանագրերից ու համաձայնագրերից:

1.7. Ընկերության անվանումն է ռուսերեն՝ Студенческое научное Общество, անգլերեն՝ Student Scientific Society: Իսկ կարծ անվանումները հայերեն՝ ՈՒԳԸ, ռուսերեն՝ CHO, անգլերեն՝ SSS:

2. Ընկերության նպատակն ու խնդիրները

2.1. Ընկերության նպատակն է՝ նպաստել ուսանողության գիտական, ստեղծագործական և հոգևոր զարգացմանը:

2.2. Ընկերության խնդիրներն ու գործունեության հիմնական ուղղություններն են.

- գիտական և կրթական ոլորտներում ուսանողության նախաձեռնությունների սատարում և իրականացում,
- ուսանողական գիտաժողովների, կոնֆերանսների, սեմինարների, գիտահանրամատչելի դասախոսությունների և այլ գիտական և կրթական ուղղվածություն ունեցող միջոցառումների կազմակերպում՝ դրանցում ընդգրկելով նաև արտահամալսարանական գիտական ներուժը,
- համալսարանական երիտասարդական գիտական ներուժի նպատակառուղված օգտագործում և դրա մասին ինֆորմացիայի համակարգում,
- համակողմանի աջակցության ապահովում շնորհաշատ ուսանողներին և ասպիրանտներին,
- գիտական խմբերում և տարբեր գիտական խրագրերում ուսանողների ընդգրկում,
- ուսանողների գիտական աշխատանքների և այլ նյութերի հրատարակում,
- այլ գիտական կենտրոնների հետ կապի հաստատում և տեղեկատվության փոխանակում:

3. Ընկերության կառուցվածքը և դեկավար մարմինները

Ա. ՖԱԿՈՒԼՏԵՏԱՅԻՆ ՈՒՍԱՆՈՂԱԿԱՆ ԳԻՏԱԿԱՆ ԸՆԿԵՐՈՒԹՅՈՒՆՆԵՐԸ

3.1. Ընկերության կառուցվածքային սկզբնական օլակները ֆակուլտետային ուսանողական գիտական ընկություններն են, որոնք ծևավորվում են ամբիոնների երաշխավորությամբ ներկայացված առնվազն երկու ուսանողներից կամ ասպիրանտներից: Ֆակուլտետի ՈՒԳԸ-ն մշակում և իրականացնում է ծրագրեր, որոնք ուղղված են ՈՒԳԸ կանոնադրական նպատակների և խնդիրների իրականացմանը:

3.2. Ֆակուլտետի ՈՒԳԸ առաջադրմամբ ֆակուլտետի խորհուրդը հաստատում է ֆակուլտետի ՈՒԳԸ նախագահի, քարտուղարի թեկնածությունները, որոնք կազմակերպում են ֆակուլտետի ՈՒԳԸ աշխատանքները, համակարգում են նրա հանձնախնդերի աշխատանքները, ներկայացնում ֆակուլտետի ՈՒԳԸ-ն և նրա ծրագրերը համալսարանի ՈՒԳԸ գիտական խորհրդում:

3.3. Ֆակուլտետի ՈՒԳԸ նիստերը իրավիրվում են առնվազն ամիսը 1 անգամ: Նիստերը իրավիրվում են նախագահի կողմից կամ անդամների 1/3-ի պահանջով: Նիստն օրինական է, եթե նրան մասնակցում են անդամների ավելի քան 1/2-ը, իսկ որոշումներն ընդունվում են անդամների ընդհանուր թվի պարզ մեծամասնությամբ: Ֆակուլտետի ՈՒԳԸ-ն կարող է մշակել իր կանոնակարգը և սահմանել սույն կանոնադրությանը չհակասող այլ կառուցվածքային միավորներ:

3.4. Ֆակուլտետի ՈՒԳԸ նախագահը հանդիսանում է ֆակուլտետի խորհրդի անդամ, ԵՊՀ ՈՒԳԸ գիտական խորհրդի անդամ:

3.5. Ֆակուլտետի ՈՒԳԸ-ն կարող է կյանքի կոչել տարբեր և բազմաբնույթ ակումբներ, որոնց կազմում կարող են ընդգրկվել ֆակուլտետի այլ ուսանողներ ևս:

Բ. ՀԱՍԱԼՍԱՐԱԾԻ ՈՒՍԱՆՈՂԱԿԱՍ ԳԻՏԱԿԱԾ ԸՆԿԵՐՈՒԹՅՈՒՆ

3.6. ԵՊՅ աւանողական գիտական ընկերության ղեկավար մարմինը Ուսանողական գիտական ընկերության գիտական խորհուրդն է, որի նիստը գումարվում է ուսումնական կիսամյակուն ոչ պակաս, քան երկու անգամ:

3.7. ՈՒԳԸ գիտական խորհուրդի կազմի մեջ մտնում են ՈՒԳԸ նախագահը, նախագահի տեղակալը, քարտուղարը, ֆակուլտետային ՈՒԳԸ-ների նախագահները:

3.8. ՈՒԳԸ գիտական խորհուրդ՝

- քննարկում և որոշում է ՈՒԳԸ գործունեության կարևորագույն ուղղությունները, միջոցներ է ձեռնարկում որոշումների իրականացման համար,
- առաջարկներ է ներկայացնում ԵՊՅ գիտական խորհրդին, Ուսանողական բաժնին,
- ի գիտություն է ընդունում ՈՒԳԸ նախագահի տարեկան հաշվետվությունը,
- մշակում է ընկերության ընթացիկ և հեռանկարային ծրագրերը, հաստատում է և կոորդինացնում ֆակուլտետային ՈՒԳԸ-ների աշխատանքները և ծրագրերը,
- հաստատում է իր աշխատակարգը,
- ստեղծում, վերակազմավորում և լրացրում է ՈՒԳԸ՝ սույն կանոնադրությամբ չսահմանված աշխատանքային օդակներ, ինչպես նաև հաստատում է նրանց կազմը և աշխատակարգը, ընդ որում՝ նրանց կարող է լիազորել իր իրավասությանը վերաբերող որոշ հարցերի լուծման իրավունքը,
- որոշում է ընդունում շնորհել Ընկերության պատվավոր անդամի կոչում և կանոնակարգում է ընկերության անդամությանը վերաբերվող այլ հարցեր,
- վավերացնում է ընկերության անունից կնքած պայմանագրերն ու համաձայնագրերը,

3.9. ԵՊՅ ՈՒԳԸ գիտական խորհրդի նիստն օրինական է, եթե նրան մասնակցում են անդամների ընդհանուր թվի ավելի քան 1/2-ը: Որոշումներն ընդունվում են ընդհանուր թվի պարզ մեծամասնությամբ: Գիտական խորհրդի արտահերթ նիստ կարող է հրավիրվել ՈՒԳԸ նախագահի կամ Գիտական խորհրդի անդամների 1/3-ի պահանջով:

Գ. ԳԻՏԱԿԱԾ ԽՈՌՅՐԴԻ ԱՆԴԱՄՆԵՐԸ

3.10. Ուսանողական գիտական ընկերության նախագահը հաստատվում է ԵՊՅ գիտական խորհրդի կողմից, երեք տարի ժամանակով՝ ԵՊՅ ռեկտորի ներկայացմամբ,

3.11. Նախագահի տեղակալին և քարտուղարին, մեկամսյա ժամանակահատվածում, ԵՊՅ ռեկտորատի հաստատմանն է ներկայացնում ՈՒԳԸ նախագահը՝ Ուսանողական բաժնի երաշխավորությամբ,

3.12. ՈՒԳԸ-ը նախագահն ի պաշտոնե հանդիսանում է ԵՊՅ գիտական խորհրդի անդամ,

3.13. ՈՒԳԸ գիտական խորհրդի անդամներ են հանդիսանում ֆակուլտետային ՈՒԳԸ նախագահները,

3.14. Ընկերության նախագահն ի պաշտոնե ներկայացնում է Ընկերությունը, համակարգում է Ընկերության գիտական խորհրդի գործունեությունը, ապահովում է ընկերության կառուցվածքային միավորների համագործակցությունը, տալիս է լիազորագրեր, Ընկերության անունից կնքում է պայմանագրեր և համաձայնագրեր:

3.15. ՈՒԳԸ նախագահը տարեկան հաշվետվությամբ հանդես է գալիս ԵՊՅ գիտական խորհրդում:

3.16. Ընկերության նախագահի տեղակալը նախագահի բացակայության դեպքում ստանձնում է նրա լիազորությունները, համակարգում է քարտուղարության աշխատանքները և ՈՒԳԸ գիտական խորհրդի կողմից ստեղծված աշխատանքային օդակների գործունեությունը, հանդես է գալիս կատարած աշխատանքների մասին հաղորդմամբ:

3.17. Ընկերության քարտուղարը դեկավարում է քարտուղարության աշխատանքները՝ առաջնորդվելով ՈՒԳԸ գիտական խորհրդի աշխատակարգով:

4. Ընկերության միջոցները և դրանց օգտագործման կարգը

4.1. Ընկերության միջոցները գոյանում են ԵՊՀ բյուջեից կատարվող մասհանումներից, հովանավորների կողմից կատարվող հատկացումներից, ԵՊՀ օրինադրությամբ և ՀՀ օրենսդրությամբ չարգելված այլ աղբյուրներից:

4.2. Ընկերությունը անվճար, համաձայն սահմանված կարգի, օգտվում է ԵՊՀ տարածքային, գույքային, տեխնիկական և այլ միջոցներից:

4.3. Ընկերության միջոցները օգտագործվում են կանոնադրական նպատակների և խնդիրների իրականացման համար:

5. Ընկերության գործունեության դադարեցման կարգը

5.1. Ընկերությունն իր գործունեությունը դադարեցնում է ԵՊՀ գիտական խորհրդի որոշմամբ կամ ՀՀ օրենսդրությամբ սահմանված կարգով:

5.2. Ընկերության լուծարումից հետո նրա ամբողջ գույքը և միջոցները պատկանում են Երևանի պետական համալսարանին:

Ընկերության հասցեն՝
Հայաստանի Հանրապետություն,
375025, ք. Երևան, Ալեք Մանուկյան 1,
Երևանի պետական համալսարան